



Cynllun Grant Cyfalaf Twristaieth CFfG y DU

Canllawiau

Pwrpas y grant hwn yw cynnig cymorth ariannol i fusnesau twristaieth ar gyfer galluogi busnesau i brynu offer cyfalaf neu wneud gwaith cyfalaf.

Nodwch nad yw busnesau Airbnb a/neu brosiectau sydd yn canolbwyntio ar droi tai yn gyfleusterau busnes yn gymwys i dderbyn y grant.

Mae'n cael ei ariannu gan flaenoriaeth "Cefnogi Busnes Lleol" Cronfa Ffyniant Gyffredin Llywodraeth y DU (CFfG y DU) a bwriad y grant yw cyflawni amcanion Ffyniant Bro Llywodraeth y DU:

- Creu swyddi a hybu cynhwysiant cymdeithasol drwy fuddsoddi mewn diwydiannau a sefydliadau cyfredol a chefnogi dechrau busnesau i wella manwerthu lleol, cyfleusterau lletygarwch a hamdden.
- Hybu rhyngweithio a chydweithio drwy ymyriadau sydd yn dwyn busnesau a phartneriaid ynghyd er mwyn rhannu gwybodaeth, arbenigedd ac adnoddau sydd yn sbarduno dyfeisgarwch a ffyniant.
- Cynyddu buddsoddiad y sector preifat mewn gweithgareddau sydd yn annog ffyniant drwy dargedu busnesau bach a chanolig i fod yn ddyfeisgar, gwella cynhyrchiant a thechnolegau effeithlonrwydd ynni a charbon isel ac i ddechrau a chynyddu allforion.

Gwybodaeth sydd yn benodol i'r grant

- Mae'r grant hwn ar gyfer busnesau sydd wedi'u lleoli ym Merthyr Tudful ac sydd wedi bod yn masnachu am 12 mis neu fwy.
- Mae'r cynnig grant yn seiliedig ar hyd at 70% o gostau cymwys, rhesymol y prosiect ac hyd at uchafswm o £15,000.
- Bydd y grant yn cynorthwyo costau cyfalaf, gan gynnwys offer a gwaith adeiladu.
- Wedi i ni dderbyn cais wedi'i gwblhau a **phob** gwybodaeth berthnasol, dylid gwneud penderfyniad oddi fewn 3 i 4 wythnos.
- Ni fydd grantiau'n cael eu cynnig a'u talu i fusnesau neu ymgeiswyr sydd ag ôl-daliadau â'r Awdurdod Lleol. Bydd gwiriadau'n cael eu gwneud.
- Bydd yr arian grant yn cael ei dalu, drwy BACS i'r cyfrif banc wedi i ni dderbyn derbynebaw gwreiddiol sydd wedi'u talu a datganiadau banc cyfatebol neu mewn amgylchiadau arbennig, yn seiliedig ar asesiad achos busnes wedi i ni dderbyn anfoneb.
- Bydd angen i bob prosiect gael eu cwblhau erbyn 18 Rhagfyr 2023 gan gynnwys tystiolaeth gwariant.

Gwariant Cymwys

Mae'r eitemau isod yn enghreifftiau o'r hyn y gellir eu cynorthwyo drwy'r cynllun grant:

Gwaith adeiladu mewnol sydd yn gwella neu'n diogelu'r busnes / sefydliad / adeilad

- Gwaith adeiladu allanol sydd yn cael effaith gadarnhaol ar wasanaethau'r sefydliad / busnes
- Prynu offer seilwaith mawr

Gwariant Anghymwys

Ni ellir cynorthwyo'r canlynol trwy'r cynllun grant:

TAW

- Costau staff/marchnata
- Costau ôl-weithredol h.y. costau offer neu waith sydd eisoes wedi cael eu gwneud
- Costau prynu adeiladau, tir neu gerbydau
- Offer / eitemau sydd yn cael eu defnyddio unwaith, yn flynyddol neu sydd yn dymhorol
- Hurbwrcasu / Prynu ar les
- Ffioedd wrth gefn
- Costau rhent, cyfraddau, gweinyddiaeth, cerbydau; costau gwaith sydd yn cael ei wneud fel gofyniad cyfreithiol, statudol
- Gweithdrefnau statudol fel caniatâd cynllunio neu reoliadau adeiladu
- Cyfleustodau
- Busnesau Airbnb
- Prosiectau sydd yn cabnolbwyntio ar droi tai yn gyfleusterau busnes
- Costau refeniw eraill

Meini Prawf y Rhestr Fer ac Asesu

Bydd eich cais yn destun gwiriad dilysu cychwynnol er nwy sicrhau eich bod wedi cyflwyno'r wybodaeth gywir. Yn ychwanegol, bydd pob sefydliad / busnes yn destun gwiriadau diwydrwydd fel rhan o'n prosesau amodau grant.

Bydd ail ran yr asesiad yn cael ei asesu gan banel arbenigol ac yn defnyddio'r meini prawf canlynol:

- Gwerth am arian
- Creu Swyddi/Diogelu
- Effaith economiadd a chymdeithasol
- Deilliannau'r Prosiect
- Angen
- Cynaliadwyedd / Hyd y Prosiect / Gwaith
- Amserlen y Prosiect

Dogfennau Ychwanegol

Bydd angen i bob ymgeisydd gyflwyno'r dogfennau canlynol gyda'u cais:

- Prawf o gyfrif banc ar gyfer busnes
- Cytyndeb tenantiaeth (os y gymwys)
- Cyfrifon annibynnol diweddaraf a archwiliwyd
- O leiaf 3 amcanbris - ni dderbynnir amcanbrisiau gan safleoedd ocsiwn, ar-lein
- Tystiolaeth o arian cyfatebol
- Tystiolaeth o yswiriant perthnasol (h.y. atebolrwydd cyhoeddus.)

Nodwch: ni fydd ffurflenni cais nad sydd wedi eu cwblhau'n gyflawn yn cael eu hasesu. Sicrhewch eich bod yn cwblhau pob rhan ac yn cyflwyno pob dogfen angenrheidiol.

Am ragor o wybodaeth, cysylltwch â'r tîm mentergarwch:

economic.development@merthyr.gov.uk

LEVELLING
— UP —

FFYNIANT
— BRO —